

Bel ejëmpl de ladin

La “Rei zëntri geniturs mituns Südtirol” se presentëia inçe por ladin

Curiosité - Al é lies, uniuns y inçe dites privates fora dla Ladinia che presentëia sù produć y sorvisc dlungia al todësch, talian, ingleje, ez., inçe por ladin. N bel ejëmpl é i zëntri di geniturs y mituns de Südtirol che é lià adöm te na rëi y à inçe da merz incà na plata internet nòia, plata che é scritta en pert inçe por ladin por i ester plü dlungia ala jënt ladina. Al é n bel ejëmpl de cò che le ladin po arichì na plata de informaziun y ne mëss - te degun cajo - stè te tru a zacai o val' d'ater. Da sperè é che inçe d'atres organizaziuns, privates o publiche, anüzes le ladin, informaziuns por na verjiun ladina po dè inçe les redaziuns de nosc foliet ladin. (ir)



La plata internet dla “Rei zëntri geniturs mituns Südtirol” cun informaziuns inçe por ladin.